

# Carrington cadang tubuh suruhanjaya mengatasi masalah

**KUALA LUMPUR, Isnin.**— Setiausaha Luar British, Lord Carrington menandatangani cadangan penubuhan sebuah suruhanjaya bersama untuk mencari jalan mengatasi masalah-masalah yang wujud dalam hubungan antara Malaysia-Britian dan juga untuk meningkatkan kerjasama antara kedua negara.

Katanya, Suruhanjaya itu hendaklah mengandungi pegawai-pegawai

kanan dari beberapa jabatan — kementerian dan bertindak sebagai sebuah badan petugas yang dapat menunjukkan masalah-masalah yang bakal timbul.

Berekap kepada para pemberita sebelum berlepas ke Singapura untuk lawatan rasmi sehari, Lord Carrington berkata, Britian menyedari matlamat Dasar Ekonomi Baru dan usaha-usaha Kerajaan Malaysia bagi memastikan kejayaan pelaksanaannya.

Katanya, rundingannya dengan Perdana Menteri Malaysia, Datuk Seri Dr. Mahathir Mohamad pagi ini telah memberi peluang yang berfaedah baginya mempelajari masalah-masalah dalam hubungan antara kedua negara.

Beliau berada di sini tiga hari dalam rangka lawatan ke negara-negara Asean.

"Lawatan ini, katanya, adalah semata-mata untuk mendapatkan pandangan dari pemimpin-pemimpin Malaysia tentang dasar luarnya di samping membincangkan masalah-masalah yang timbul dalam hubungan kedua negara.

## Mengadap

Beliau telah diperkenankan mengadap Seri Paduka Baginda Yang Di Pertuan Agong, selain berunding dengan Perdana Menteri, Menteri Perdagangan dan Perindustrian, Tengku Ahmad Rithauddeen dan rakan sejawatnya, Tan Sri Ghazali Shafie.

Lord Carrington menjelaskan, perbincangan dengan Perdana Menteri amat memuaskan di mana masalah-masalah penting dibangkitkan.

Katanya, antara yang dibincangkan termasuklah masalah perdagangan dengan British dan juga masalah antarabangsa termasuk mengulangi pendirian British terhadap masalah Kampuchea.

"British tidak meminta layanan perdagangan istimewa, tetapi apa yang diminta supaya tidak wujud diskriminasi terhadap barangan British."

No. Siri ..... 2352 .....

No. Penerimaan ..... 96/85 .....